



Senin, 22 Mei 2023
Ogen: Lukas 8:2



"Si Ipepalem Jesus"



Melala kal tanda mujizat si ilakoken Jesus, salah sadana eme mpepalem kalak si sakit. Jesus ncidahken kuasaNa man enterem kalak gelah iangka jelma si enterem jenari tek ia kerina man Jesus.

Kitab Lukas melala naksiken kerna kuasa si ilakoken Jesus; umpamana: ipepalem Jesus sekalak si gadamen; pangpangen; si mate serapen tanna sembelah; suruh-suruhan perwira roma; si setanen ras sebagaina.

Lukas 8:2 "*bage pe piga-piga diberu si enggo ipepalemNa i bas setan ras pinakit-pinakit nari, eme Maria (si igelari Magdalena) si enggo ipelawes pitu setan i bas ia nar!*". Jesus ncidahken kuasaNa man enterem jelma gelah igejap dingem tek ia nandang i Jesus Kristus.

Jaman gundari enda banci saja secara langsung lanai si idah kerna Jesus mpepalem kalak sakit entah pe pegeluh kalak si mate, tapi sigejap nge i bas perdalanan geluhta maka kuasaNa e tetap nge lit seh asa gundari.

Sada kesaksian arah sekalak Moria; umur 12 tahun anakna terkena pinakit leukimia (kanker darah), erkiteken sakit anak e arus ngadi sekolah, hampir 6 tahun anak e itambari secara medis janah ikut pe perpulungan notokenca. Piga-piga kalak ngatakenca lanai bo mungkin malem anak e, tapi Moria si sakit anakna ndai tetap erpengarapen maka anak e pasti i pepalem Jesus; pertoton Moria radu ras perpulungan ndai i begiken Dibata; tahun pepituken anak ndai ertambar, icidahken Jesus kuasaNa maka malem anak ndai arah pinakit kankerna. Bagi ipepalem Jesus anak ndai bage pe i pepalem Jesus pusu moria si tetap erpengarapen man baNa.